



Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

Paraphrasin in Epistolam, & Exegesin in Euangelia, vna cum suo sermone,
habes in tomo secundo de Sanctis.

[urn:nbn:de:hbz:466:1-47044](https://nbn-resolving.org/urn:nbn:de:hbz:466:1-47044)

IN DOMINICA SVPER SANCTISSIMAE
Trinitatis, Epistola beati Pauli Apostoli
ad Romanos XI.

Altitudo diuinarum sapientia & scientia Dei. Quam incomprehensibilia sunt iudicia eius, & inuestigabiles via eius? Sapient. 9. Esai. 4.
Quis enim cognouit sensum Domini, aut quis consiliarius eius 1. Corin. 1.
fuit? Aut quis prior dedit illi, & retribuetur ei? Quoniam ex ipso, & per ipsum, & in ipso sunt omnia. Ipsi honor & gloria, in secula seculorum, Amen.

PARAPHRASIS IN EANDEM EPISTOLAM.

Multa ad Romanos Paulus scribens, tractauerat de fide, de gratia, de merito, de lege, de praedestinatione, vnde à curiosis multae possent fieri quaestiones, quare scilicet Iacob elegit, Esau verò odio habuerit? Roman. 5. 6. 7. 9. 11.
Cur aliorum miseretur, alios indurat, seu indurari sinat. Alium hic corripit tanquam Pater, alium impune sinit peccare & perire. Deinde, quare primum Iudaeos & postea Gentes elegerit, nouissimè tandem iterum omne genus Iudaeorum ad se conuertet. Harum omnium ac similiarum quaestionum ne quis solutionem quaerat, vna generali admiratione, tacens omnem aliam responsionem singularem, cuncta haec ambigua soluit, & dicit: O altitudo diuinarum sapientiae & scientiae Dei, quae absque iustitia & ratione qua nihil agit. Si enim vnus passer in terram absque Dei providentia non cecidit, quomodo maiora atq; humana reguntur absque sapientia & providentia Dei? Hanc autem nobis scrutari, aut huius inuenire rationem nobis est impossibile. O igitur altitudo diuinarum sapientiae & scientiae Dei, quam incomprehensibilia sunt iudicia eius, nunquam non iusta, sed tamè quomodo iustissima sint & reuerenda, nos pro maxima parte later. Et quam inuestigabiles viae eius quas ambulat? Nemo enim secretas illius iustitiae regulas perscrutari potest, nemo inuenire, nemo penetrare. Quis enim cognouit sensum Domini? Nemo profecto, quia secretorum eius nemo conscius est hominum. Aut quis consiliarius eius fuit Deum instruens? Aut quis prior dedit illi, qui per hoc meruerit, vt retribueretur ei? Nemo enim dare potest, quod non accipit. A quo autem accepimus omnia, aut cuius sunt quae habemus omnia, nisi Dei? Quoniam ex ipso, id est, ex Patre, & per ipsum, id est, per Filium, & in ipso, id est, in Spiritu sancto sunt omnia. Aut, ex ipso sunt omnia, tanquam è creatore, per ipsum verbum, seu sapientiam omnia sunt, id est, gubernantur, in ipsa bonitate Spiritus sancti omnia conferuntur. Ipsi gloria sit. Cui ipsi sit gloria? Ipsi ex quo omnia, & ipsi per quem omnia, & ipsi in quo omnia, vt idem intelligatur vnum, quoad substantiam, trinus autem distinguatur in personis. Malac. 1. Exod. 33. Matth. 10. Sapient. 9. Esai. 40. 1. Cor. 1.

EIVSDEM DOMINICAE SANCTISSIMAE

Trinitatis, Epistola altera, iuxta quorundam ritum

Ecclesiarum B. Pauli Apost. II. Corin. XIII.

HHH 3 Gaude-

Audete, perfecti estote, exhortamini, idem sapite. Pacem habete: & Deus pacis & dilectionis erit vobiscum. Gratia Domini nostri Iesu Christi, & charitas Dei, & communicatio sancti Spiritus sit cum omnibus vobis, Amen.

PARAPHRASIS IN EANDEM EPISTOLAM.

Ioan. 1.

Math. 5.

1. Cor. 1.

Eph. 4.

1. Cor. 13.

Ioan. 3.

Galat. 4.

1. Petri 2.

GAudete de gratia Domini nostri Iesu Christi, qui vos vocavit potestatemque dedit filios Dei fieri. Gaudete quoque de secura vestra conscientia, quæ vos non reprehendit, nec aliquid retinetis in ea mali, quod vobis placeat repositum. Perfecti estote, non ut nihil vobis adijci ultra possit in virtutibus incrementi (hoc enim modo Deus solus est perfectus) sed ut perfecti sitis, quibus nihil ad salutem, & iustitiam desit, quod sit vobis necessarium. Exhortamini alius alium, quo promoueat fratrem suum vnusquisque ad meliora. Idem sapite, ne in vobis dissensiones inueniantur, & schismata. Pacem habete inter vos, supportantes inuicem in charitate, pacemque habete cum Domino Deo, ne ab eius voluntate dissentiat. Quod si feceritis, Deus pacis & dilectionis autor, atque largitor, erit vobiscum. Gratia Domini nostri Iesu Christi, qua nobis gratis peccata nostra donauit. Charitas Dei, qui sic mundum dilexit, ut Filium suum daret vnigenitum in mortem, ut omnis qui credit in illum non pereat, sed habeat vitam æternam: & communicatio sancti Spiritus, qui tam Patri in dilectione, quam Filio in misericordia, & gratia nobis impartienda communicauit, cooperans nostram salutem, sit cum omnibus vobis. Hæc enim Trinitas salutis nostræ perfectio est. Charitas namque Patris misit nobis Filium suum, Filius seipsum nobis tradidit in redemptionem & precium, auferens à nobis chi-rographum delicti, & sententiam mortis. Spiritus sanctus, ut hanc gratiam percipiamus, possideamusque salutis, sui communicatione facit.

EXEGESIS EVANGELII IN DOMINI
ca Sanctissimæ Trinitatis, Ioannis III.

Trinitatis
personarum
in diuinis as-
sertio.

HOdie octauæ sunt Pentecostes, quibus memoria adhuc recollitur misericordiam, & donorum Spiritus sancti, quæ potissimum nobis in regeneratione nostra spirituali infunduntur, hoc est, in baptismo in quo renascimur, in fide, & in nomine sanctæ Trinitatis, cuius hodie solenne festum seruat Ecclesia, & Euangelio satis congruo vitur, in quo memoria sit Spiritus sancti, & regenerationis nostræ. In hoc Euangelio inuenitur Trinitatis personarum in diuinis assertio, sicut dixi. Si quidem Pater significatur cum sua potentia, in hoc quod dicitur: Nemo potest hæc signa facere, quæ tu facis, nisi fuerit Deus cum eo. Exprimitur Filij persona cum sua sapientia, vbi dicitur: Rabbi, scimus quia à Deo venisti magister. Exprimitur Spiritus sancti persona cum sua bonitate, vbi dicitur: Spiritus vbi vult spirat. Sic ergo dicit sanctus Ioannes:

Erat homo ex Phariseis Nicodemus nomine, princeps Iudæorum.

Describitur nobis Phariseus quidam ac princeps, legisque doctor, qui de
f. 42a